

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

Art. XII. Præcipuæ Theologiæ dotes, seu prærogativæ, breviter exponuntur

[urn:nbn:de:hbz:466:1-77132](https://nbn-resolving.de/urn:nbn:de:hbz:466:1-77132)

DISPUTATIO PRO OE MI ALIS

etina de communione sub utraque specie, & A parvolorum, visum fuit Legatis, opportunè de creto illi addi debere, tanquam rem omnibus notissimam & indubiam, Christum Dominum in ultima cena, suos Apostolos in Sacerdotes ordinasse, illis verbis, *Hoc facite in meam commemorationem.* Re accurate diuque discussa, sententia illa Patrum animis jam infederat, præsto erant suffragia, cum nescio quis illorum palam testatus est, videri sibi D. Thomam tentire, Christum Dominum, verbis illis, nihil aliud ordinasse, quam quod Sacrosanctum illud Mysterium, in Passionis eju memoriam celebraretur. Mirum! iussu Patrum assur liber, notatur locus, discutitur, cumque variis variè eum interpretarentur, tantum ponderis in Conciliilancem injecta sola D. Thomæ autoritas, vel etiam dubitata, ut placuerit Concilio potius decreta suspendere, quam aliquid definire, sensu D. Thomæ in illam rem nondum satis aperte cognito. Dilatum ergo fuit judicium, interim que de vera circa hoc S. Doctoris mente fuit disputatum; cumque tandem convenissent Patres in prefata assertione, nihil Contra D. Thomam sententiam definiri, sequenti sessione veritas fuit fancita. Ex quibus liquet, quam impudenter Hæretici, Theologiam Scholasticā, non solum inutilem, sed etiam perniciosa esse Ecclesiae affleverent.

97 Neque illis sicut, quod interdum SS. Patres dolent in Ecclesiam irrepellere captiones sophisticas, ac pravum artificium Aristotelice artis, & hujus generis alia, velut Ägyptiacas quasdam plagas, ut loquitur Gregorius Nazianzenus, qui etiam deplorat illam disputandi de Deo rationem, quæ invaluerat ætate sua, quæque simplici & ingenua tractatione reliqua, tortuofum & involutum dicendi genus invenierat. Similiterque Hieronymus non vult Evangelii Doctores humanæ ratiocinationis praefiditi nisi, Quia (inquit) istiusmodi viga & baculus arundineus est, quem si paululum presserit, frangitur, & manu transforat incubentis. Et Tertullianus lib. de praetectis cap. 7. Quid Athenis (inquit) & Hierosolymis? Quid Academia & Ecclesia: Quid Hæretici & Christiani? Nostra institutio de portico Salomonis est, qui & ipse tradiderat Dominum in simplicitate cordis esse querendum.

Fac inquam & similia, quibus hæretici abuntur, non obstante, quia SS. Patres in illis locis invehentur solam contra illos, qui perperam arte syllogistica, & humana ratiocinatione uebantur ad Christianam fidem evertendam, & decipiendos minus eruditos aut callidos qualem fuisse Arium, Eunomium, Aëtium, Pelagium, Julianum, Abailardum, & similes antiquiores hæreticos, testantur Socrates lib. 1. historiæ cap. 5. Sozomenus lib. 1. cap. 1. Epiphanius hæreti 75. Gregorius Nissenus lib. 1. contra Eunom. Ambrocius in Psal. 118. Augustinus lib. 2. operis imperfecti contra Julianum, Bernardus epist. 190. & alii. Vel solum intendunt, fidei, tanquam Principi & Domini, rectiore que vite, ducatum: Philosophia vero & humana ratiocinationi, simulatim duntaxat debere exhiberi, nec nisi ad fidei obsequium & subsidiarium, saeculares & prophanas scientias alhibendas esse: exemplo Abrahæ, qui duplex inivit conjugium, alterum cum Sara uxore prima & præcipua, & alterum cum Agar Ancilla, quarum illa divinæ sapientiæ

typus erat, ista Philosophæ. Et Saræ quidem amore præcipuo adhærebat, Agari vero ut ancillæ duntaxat: sic enim Theologo faciendum esse, sapienter monet Clemens Alexandrinus lib. 6. Stromatum, cayendamque ne ancillæ nimio amore delectatus, Dominam, hoc est veram sapientiam, negligat.

ARTICULUS XII.

Præcipua Theologia dotes, seu prærogativa, breviter exponuntur.

Cum primus discendi ardor nobilitas sit Magistri, ut ait Ambrosius, secundus studendi stimulus, dignitas est & præstantia artis vel disciplina, quam quilibet cupit ediscere: unde cùm in prestatione hujus libri, de laudibus D. Thomæ Praeceptoris nostri Angelici, plura dixerimus, superest ut hic paucæ de dignitate Theologiae inseramus, & præcipuas ejus dotes & prærogativas, breviter exponamus; ut ex illarum contemplatione, ad amorem & studium hujus divinæ scientiæ, Lectoris animus accendatur.

Prima ergo prærogativa Theologia sumitur ex objecti quod contemplatur præstantia: cùm enim ceteræ scientiæ, de rebus creatis differant, Theologia Deum tanquam proprium objectum, sicut aquila Solem, respicit & considerat, terræ cuncta despiciens, & creata omnia altitudine suâ transcendens: unde illa tota divina est, & quidquid in ea tractatur, divinitatem spirat, & ad Deum spectat, vel sicut proprietas ad naturam, vel sicut effectus ad cauam, vel tanquam medium ad finem, ut ex supra dictis liquet.

Secunda petitur ex ratione sub qua tendit in sumum objectum, quæ est veluti lux quæ cuncta de quibus disserit irradiantur & manifestantur. Plura certè considerat Theologia Angelos, caelos, elementa, homines, ceteraque sex dierum opera, divinæ naturæ relations & attributa, Augustissima Triadis miranda, & Incarnationis secreta aperit, aliaque obscurissima fidei nostræ mysteria rimatur; sed omnia sub una ratione formalí, nimis sub ratione divinæ veritatis, & sub lumine & radio divinae revelationis, contemplatur. Et ibi Theologia lucem: à luce autem omnis decor, venustas, & pulchritudo rebus accedit; ex hac syderum nitor, cœli splendor, terra ornatus, totiusque mundi forma & venustissima species; ideoque hanc Deus primam omnium creavit, ut ex radiis cuncta pulchrescerent. Vel ut dicit Hugo à S. Victore, Primum fecit lumen, ut cetera omnia postmodum faceret in luce.

Tertia consistit in ejus certitudine, cùm enim nedum rationis quæ falli posset, sed etiam fidei, & divinæ revelationis infallibilis, principiis initatur, & in ea suas conclusiones resolvat, omnium scientiarum naturalium, ipsiusque habitus primorum principiorum, certitudinem transcendent, & scientiæ Dei & Beatorum firmitatem aliquomodo participat, ut antea demonstravimus. Nec obstat quod in varias & discordantes Scholas Thomistarum, Scotistarum, & Nominalium dividatur; aliterq; sentiant de prædefinitione, de gratiæ efficacia, de modo concurrendi cum caulis secundis, de sacramentorum virtute & efficientia, aliusque hujusmodi questionibus, Thomistæ, aliter Scotistæ, aliter Nominales, aliter

- aliter Neothetici, nulla enim inter eos, circa determinatos orthodoxæ veritatis articulos, pugna est, nullâ discordia, nulla contentio: in hoc concinunt omnes, & solum circa problematis casus questiones dissentiantur. Multos audivit D. Joannes Apocal. 12. in Cœlo cantantes, & citharizantes in citharis suis, unicam tamen extot discordantibus vocibus & sonis harmoniam audiuit, suavissimè modulantes. Similiter etiam licet variis sint Doctores, qui diversa, immo aliquando contraria docete videntur, eorum tamen voces, ita inter se concordant, quantum ad ea quæ sunt fidei, ut una omnino sit vox; immo ex hac diversarum vocum dissonantia, ac disputationum discordia, suavior harmonia efficiatur.
- 102** Quarta: Theologia est eminenter speculativa & practica, nec solum mentem illuminat, sed etiam voluntatem accedit, & amorem spirat in corde hominis, sicut increata sapientia in sinu Patris: unde Abbas Antiochus Orat. 128. ait: *Nihil ita cor hominis ad Dei amorem inflamat, si non Theologia: qua verba ejus interpres expendens, haec addit in margine: Theologia Theophilum in generat. Illa etiam mores componit, affectus mitigat, vitia extirpat, virtutes infert, & tandem sui studiosos ad patriam coelestem perducit. Unde merito de illa dici potest, quod libro i. Tullianarum questionum ait Tullius de Philosophia: O vita dux (Theologia) O virtus indagatrix, expultrixque vitorum, quid non modo nos, sed omnino vita hominis sine te esse potuissest & Tu inventrix legum, tu magistra morum ac disciplina fusti, &c.*
- 103** Quinta: Theologia (ut supra ostendimus) non solum habet rationem scientiæ, sed etiam sapientiæ, id est sapida scientia; ut enim in favo (inquit Philo Carpatius) mel & cera latent, quorum alterò pacifimus, alterò lumen accendimus; sic in sacra doctrina, suavissimus cibus animi, & lumen ducit; per illam enim nendum de coelibus illuminamur. sed etiam in ipsis D afficiuntur.
- 104** Sexta: Theologia viatorum ejusdem est species cum Theologia comprehensorum, seu beatorum, nec ab illa differt, nisi ratione status viæ & patriæ, & sicut imperfectum à perfecto, ac puer à viro; unde remanet in patria, non solum quoad ornarum, sed etiam quoad exercitium, ut supra ostensum est, & satis aperre declarat Hieronymus, dum exhortans Paulinum ad Theologię studium, ipsum monet, eorum fructus in terra carpere, quorum radices in celo fixæ sunt, illaque discere in terris, quorum scientia perseverat in celo.
- 105** Septima: Theologia sacrum est Ecclesiæ armamentarium, ex quo Doctores Catholici, & dei defensores eruunt scuta, tela, lanceas, gladios, ceteraque bellicæ instrumenta, quibus hæreticorum audaciam repellunt, & omnes eorum impetus redundunt. Hæc turris David, ædificata cum propugnaculis, ex qua mille pendent Clypei, omnis armatura fortium. Hæc Davidis funda, ex qua quinque limpidissimos lapides, id est (ut explicat Cassiodorus) quinque legis libros eruunt Doctores Christiani, ut contra Catholi-
- A cam veritatem insurgentes hæreticos, funditus revertant. Hæc ejusdem Davidis gladius, quod infernalis Goliath caput truncatur. Hæc inexpugnabile veritatis scutum, quod circundatus Christanus, omnia inimicorum tela facile repellit, & feliciter eludit. Hæc acutissima Spiritus Sancti lancea, penetrabilior omni gladio anticipi, quæ hostes Christianæ fidei confunduntur. Hæc demum est Christiana Minerva, omni ex parte armata, quæ non ex Jovis cerebro, sed ex Dei mente procedit; est enim scientiæ divinæ, veluti quædam effusio, & emanatio quædam claritatis Omnipotentis Dei, ut dicitur Sapient. 7.
- Denique, ut præcipua Theologiæ encomia, 106 in unum colligamus: placet hic interere elegans Theologiæ descriptionem, quam, sub nomine Philosophiæ, habet Boëtius lib. 1. de consolat. prosa. 1. quam exponit noster Holcot in cap. 7. Sapientia. Apparuit mihi (inquit Boëtius) in lecto jacenti, mulier quædam formæ reverenda, fulgentibus oculis, colore vivido, & inexhausti vigoris. Statura discretiæ ambigua: quia aliquando videbatur cœlum pulsare capitum sui vertice, aliquando etiam ultra cœlum videbatur caput elevare. Veste habebat, quæ sibi propriis manibus, indissolubili materia, subtili artificio fecerat; in quarum summitate, Littera Græca θ. Thita, in inferiori margine, Littera P. scribebatur. In dextera portabat lumen, in sinistra sceptrum.
- Solutionem ergo lepidissimæ hujus picturæ, 107 seu potius ænigmatis, accipe à sapientissimo nostro Holcot, loco citato. Theologia, inquit, in sexu describitur mulieris: quia sapientiæ idem officium moraliter convenit, quod naturaliter mulieri. Sicut enim mulieris officium est, virum parere, & postea ad sufficientem ætatem de semetipsa nutritre in esse naturali: ita Sapientia, virum in esse morali gignit & alit, quam id est antiqui Philosophi matrem vocabant: natura (inquit Plato) nos genuit mortales & rudes, sed Philosophia nos genuit divinis virtutibus informatos. Oculos habet fulgentes: id est, proprium lumen habentes. Color ejus vividus, & vigor inexhaustus: quia Theologiæ veritas, demonstrationibus incorruptilibus est innixa. Cœlum vertice tangit, quia cunctis naturalibus disciplinis antecellit. Veste subtilissimæ, quibus induitur, septem sunt artes liberales, quibus tanquam ancillis utitur. In superiori parte, Litteram Græcam θ. habet, quæ proprium ejus nomen significatur. In inferiori margine Littera P. scribitur, quæ significat praxim: est enim simul speculativa & practica. In manu dextera libellum, & sinistra sceptrum gerit; quia simul instruit & regit. Liber informationem, sceptrum imperium denotat: nendum enim mentem illuminat, sed etiam voluntatem accedit, mores componit, affectus mitigat, vitia extirpat, virtutes inserit. Illergo (studioso Lector) te totum dedica, dignus illâ es, illate digna. Seneca Epist. 33.